



Inatsisartunut ilaasortaq
Lars Poulsen, Siumut
/Maani

Nukissiuutit ataavartut pillugit § 37 naapertorlugu apeqquteqaat nr. 060-2024

Asasara Lars Poulsen

Inatsisartut Suleriaasianni § 37, imm. 1 naapertorlugu nukissiuutit ataavartut pillugit Naalakkersuisunut apeqquteqaateqarputit.

Apeqquteqaatitit uannit akisassanngorlugit innersuunneqarput. Apeqquteqaatitit matuma kinguliani issuarneqarput, akissuteqaatinnik malitseqartinneqarlutik.

Apeqqut 1.

Nunaqarfiit pineqartut Kulusuk, Qeqertarsuatsiaat, Qassiarsuk, Atammik, Attu, aamma Ittoqqortoormiit nukissiuutinik piujuartunik, assersuutigalugu erngup nukinganik, anorip nukinganik seqernulluunniit qinngorneranik sarfamik pilersuisinnaasunik nukissiorfinnik pilersitsivigineqassappata inuiaqatigiinnut qanoq naleqassava?

Akissut

Kulusuup, Qeqertarsuatsiaat, Qassiarsuup, Atammiup aamma Ittoqqortoormiit pilersornissaannut erngup nukinganut innaallagissiorfiliornep inuiaqatigiit aningaasaqarnerannut kingunerisassanik suliaqartoqarsimangilaq.

Kisiannili 2018-imi Nukissiorfiit Ittoqqortoormiini misissueqqaarnernik ingerlataqarpoq, illoqarfimmi innaallagissamik atuinerup 65%-iata missaannik pilersuisinnaaneq sanaartornermi teknikkikkut naliliiffiginarlugu. Nukissiorfinniit ilisimatitsissutigineqarpoq, aningaasartuutissat 35 mio. koruuninut missiliorneqartut (2024-mi akinut naatsorsorlugu). Nukissiorfinniit aningaasaliinissamut missingiusiornermi maanna naliusut amigartooruteqarfiusussatut naatsorsorneqarput, taamaalillunilu aningaasaliinermut aningaasartuutit siunissami sipaagassanit amerlanerusussaallutik.

2021-mi Kulusuup mittarfiani pilersuineq Nukissiorfinnit tiguneqarpoq. Tamatumunnga atatillugu taamani Aningaasaqarnermut Akileraartarnermullu ataatsimiititaliaasup Nukissiorfiit Kulusummi erngup nukinganik innaallagissiorfiliorsinnaanermi suliamut 18,1 mio. koruuninik taarsigassarsitinneqarnissaannut inassuteqarpoq.

Allakkat ulluat: 04-04-2024
Suliap normua: 2024 - 1126
Allagaatip ilisarnaataa:
24021667

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

Nukissiorfinniit ilisimatitsissutigineqarpoq, Kulusummi erngup nukingani innaallagissiorfiliortoqassapat qaqqani pissutsit unammillernartussaasut, sulluliorluni qillerisoqarsinnaanera annertuumik nalorninartoqartinneqarmat. Nukissiorfiit kingullermik nunataani teknikkimut tunngassuteqartunik misissuinerat tamanna pillugu ersarinnerulersitsisimanngilaq.

Aamma Nukissiorfinniit ilisimatitsissutigineqarpoq, 2021-p kingorna nunarsuarmi ilaatigut nukissiornermut nioqqutissanillu tuniagaqarnermut akit qaffannerisa kingunerisaanik aningaasartuutissat qaffangaatsiarsimasut. Tamanna tunngavigalugu Nukissiorfinniit aningaasaliinissamut missingiusiornermi maanna naliusut amigartooruteqarfiusussat naatsorsorneqarput, taamaalillunilu aningaasaliinermut aningaasartuutit siunissami sipaagassanit amerlanerusussaallutik.

Apeqput 1.a: Nunaqarfinni pineqartuni taamatut pilersitsisoqqassagaluarpat suut periarfissaappat?

Akissut

Nukissiorfinniit ilisimatitsissutigineqarpoq, ullumikkut Qeqertarsuatsiaani, Atammimmi aamma Ittoqqortoormiini seqernup qinngornerinik innaallagissiorfinnik ikkussuisoqarsimasoq. Nukissiorfiit ilisimatitsipput, Qassiarsummi Kulusummilu seqernup qinngornerinik innaallagissiorfinnik sanasoqarsinnaassasoq, taakkuli aningaasartuutitigut oqimaattussatut naliliiffigineqartut.

Nukissiorfiit naliliipput, Kulusummi, Qeqertarsuatsiaani, Qassiarsummi, Atammimmi imaluunniit Ittoqqortoormiini pissutsit anorisaatit atorlugit innaallagissiorinissamut atorsinnaasunik pilersitsinissamut naammanngitsut.

1.b. Aningaasatigut allaffissornikkullu pisortanut qanoq kinguneqassappat?

Akissut

Matuma suliani akissut takuuk.

Inussiarnersumik inuulluaqqusillunga


Kalistat Lund



18.03.2024

Inatsisartut suleriaasianni § 37 imm. 1 naapertorlugu Naalackersuisunut apeqquteqaat imaattoq matumuuna saqqummiuppara.

Naalackersuisunut apeqquteqaat:

- 1) **Nunaqarfiit pineqartut Kulusuk, Qeqertarsuatsiaat, Qassiarsuk, Atammik, Attu, aamma Ittoqqortoormiit nukissiuutinik piujuartunik, assersuutigalugu erngup nukinganik, anorip nukinganik seqernulluunniit qinngorneranik sarfamik pilersuisinnaasunik nukissiorfinnik pilersitsivigineqassappata inuiaqatigiinnut qanoq naleqassava?**
 - a) **Nunaqarfinni pineqartuni taamatut pilersitsisoqqassagaluarpat suut periarfissaappat?**
 - b) **Aningaasatigut allaffissornikkullu pisortanut qanoq kinguneqassappat?**

(Inatsisartunut ilaasortaq Lars Poulsen, Siumut)

Tungavilersuut:

Sionratigut politikikkut oqallisigineqartarpoq piujuarneq aallaavigalugu nukissiorfiit sanaartorneqarneranni nunaqarfiit ilanngullugit misileraatitut ineriartortitsivigineqassasut. Tamannalu tungavigalugu paaserusunnarpoq nunaqarfiit isorliunerusullu, ataavartumik nukissiuuteqarnikkut ineriartortitsinissamut, peqataatinneqarnissaannut Naalackersuisut pilersaaruteqarnersut.

Apeqqutigineqartut ullut suliffiusut qulit iluanni akeqquneqarput.